

Kópavogi, 6. febrúar 2020.

Ágæti skólustjóri.

Hér eru nokkur atriði sem við viljum minna á í aðdraganda samræmdra könnunarprófa í 9. bekk í mars. Prófin verða haldin þriðjudaginn 10. mars, miðvikudaginn 11. mars og fimmtudaginn 12. mars 2020.

### Upplýsingar um prófin og framkvæmd þeirra

Á vef [Menntamálastofnunar](#) er að finna allar upplýsingar um könnunarprófin. Þar eru [leiðbeiningar um framkvæmd](#), góðar upplýsingar um ferlið og fleira.

### Skráning stuðningsúrræða og undanþága

Skrá þarf stuðningsúrræði og undanþágur nemenda fyrir miðnætti **þriðjudaginn 25. febrúar** í [Skólagátt](#). Eyðublöð fyrir [umsóknir](#) um stuðningsúrræði og undanþágur má finna á heimasíðu stofnunarinnar. Eins og fram kom í [bréfi frá 20. janúar](#) þarf ekki að skrá stuðningsúrræði nema um sé að ræða þörf á upplestri (próf með hljóðskrá) eða vegna sérstakra ástæðna. Sé óskað eftir sértækari stuðningsúrræðum sem nýtast einungis nemendum með tiltekna þarfir og eru jafnframt sjaldgæf, skal senda tölvupóst til Menntamálastofnunar á póstfangið [prof@mms.is](mailto:prof@mms.is).

### Innskráning í próf á prófdögum

Til að draga úr álagi er hvatt til þess að nemendur hefji próftöku með ákveðnu millibili. Hefji allir nemendur próftöku á sama tíma getur orðið mikið álag á netkerfi skóla og á prófakerfið. Til að minnka líkur á hvers konar tæknilegum vandamálum er farsælt að dreifa álagi eins og kostur er. Mælst er til þess að skólustjórar ákveði að upphaf próftöku nemenda verði með jöfnu millibili. Til dæmis að skipta nemendahópnum í fjóra hópa þar sem hver hópur hefur próftöku með 5 eða 10 mínútna millibili. Aðstæður eru ólíkar og eru skólustjórar hvattir til að útfæra þetta eins og hentar á hverjum stað.

### Gátlisti og viðbragðsáætlun

Mikilvægt er að skólar undirbúi vel framkvæmdina og geri viðbragðsáætlanir gagnvart hvers konar hnökrum á prófdögum. Á vef Menntamálastofnunar má sjá [viðbragðsáætlun](#) stofnunarinnar og [gátlista skóla](#) sem gagnlegt er fyrir skólustjórnendur og/eða umsjónaraðila prófanna að kynna sér.

### Kynningarpróf

Með [kynningarprófunum](#) geta nemendur, kennarar, foreldrar og aðrir áhugasamir kynnt sér prófakerfið. Jafnframt er gagnlegt fyrir kennara að skrá sig inn í kynningarpróf, m.a. til að sjá hvernig prófakerfið og veflás virka.

### **Upplýsingafundir (fjarfundir) í aðdraganda prófanna**

Líkt og áður munum við bjóða upp á upplýsingafundi þar sem starfsmenn skóla geta átt samtalið við starfsmenn Menntamálastofnunar, komið með fyrirspurnir og fengið svör við þeim. Fundirnir hafa gefist vel og eru upplýsandi fyrir alla aðila. Við viljum endilega fá umsýsnaraðila prófa, kennara, tölvufólk og aðra til að tengjast fundunum.

Upplýsingafundir verða haldnir eftirtalda daga:

Miðvikudaginn 19. febrúar, kl. 14:30

Mánudaginn 24. febrúar, kl. 14:30

Mánudaginn 2. mars, kl. 14:30

Þeir sem vilja taka þátt í fundunum eru beðnir að tilkynna þátttöku sína með því að senda tölvupóst á [kynningarmal@mms.is](mailto:kynningarmal@mms.is).

### **Bréf til nemenda og foreldra**

Nú eru upplýsingabréf til nemenda í 9. bekk og forráðamanna þeirra aðgengileg á [heimasíðu](#) stofnunarinnar. Þau hafa verið þýdd á ensku og pólsku. Við óskum eftir því að skólar komi bréfunum til nemenda og foreldra/forráðamanna hið fyrsta.

### **Hafið samband ef eitthvað er**

Ef þörf er fyrir frekari upplýsingar eða stuðning vegna prófanna, vinsamlega sendið fyrirspurnir á netfangið [prof@mms.is](mailto:prof@mms.is) Starfsfólk í þjónustuveri Menntamálastofnunar er ávallt tilbúið til að aðstoða í síma 514-7500.

Með kveðju,

Sverrir Óskarsson, sviðsstjóri matssviðs

Guðrún Birna Einarsdóttir, verkefnisstjóri